

Апостол 26.01.2024

Б: Мир всем.

Я: И духови твоему.

Б: Премудрость.

Я: Прокимен глас 1: Буди, Господи, милость Твоя на нас, / якоже уповахом на Тя.

Хор: Буди, Господи, милость Твоя на нас

Я: Радуйтесь, праведнии, о Господе, правым подобает похвала.

Хор: Буди, Господи, милость Твоя на нас

Я: Ин Прокимен, глас 4: Благословен Грядый во имя Господне, / Бог Господь и явися нам.

Хор: Благословен Грядый во имя Господне,

Б: Премудрость.

Я: ко ефесеем послание святого Апостола Павла чтение.

Б: Вонмем

Братие, единому комуждо нас дадеся благодать по мере дарования Христова. Темже глаголет: возшед на высоту, пленил еси плен, и даде даяния человеку. А еже взъиде, что есть, точною яко и сниде прежде в дольнейшия страны земли? Сшедый, Той есть и возшедый превыше всех небес, да исполнит всяческая. И Той дал есть овы убо Апостолы, овы же пророки, овы же Благовестники, овы же пастыри и учителя, к

совершению святых, в дело служения, в созидание Тела Христова, дондеже достигнем вси во единение веры и познания Сына Божия, в мужа совершенна, в меру возраста исполнения Христова. *(Еф 4:7–13, зач. 224)

Чудо Тимофее, верно слово и всякаго приятия достойно, яко Христос Иисус прииде в мир грешники спасти, от нихже первый есмь аз. Но сего ради помилован бых, да во мне первом покажет Иисус Христос все долготерпение, за образ хотящих веровати Ему в жизнь вечную. Царю же веков нетленному, невидимому, единому премудрому Богу, честь и слава во веки веков. Аминь. *(1 Тим 1:15–17, зач. 280)

Б: Мир ти.

Я: И духови твоему.

Б: Премудрость.

Я: Аллилуиа. Аллилуиа. Аллилуиа, глас 5.

Хор: Аллилуиа 3 раза

Я: Милости Твоя, Господи, во век воспою, в род и род возвещу истину Твою усты моими.

Хор: Аллилуиа 3 раза

Я: Зане рекл еси: в век милость созиждется, на небесех уготовится истина Твоя.

Хор: Аллилуиа 3 раза